

Showdown avant las elecziuns

Emissiu cuminaivla da Radiotelevisiun Rumantscha, Somedia e Schurnal regional da novitads

■ (rtr) Ils candidats per la regenza han mussà questa giada in zic dapli dents che tar l'emprima discussiun da podi a Riom. Tut en tut èsi dentant er questa giada stà plitost ruassaivel. En l'emprima part dal podi han ils dus moderators *Andri Franziscus* e *Marc Melcher* tschentà als candidats dumondas davart ils embrugls enturn ils cartels en la bran-scha da construcziun en l'Engiadina. *Jon Domenic Parolini* sa senta pertutgà dal cartel. El saja sco president da vischnanca da quel temp stà pertutgà sco unfrenida e betg sco delinquent. Tschertas medias hajan mess nà quai auter. «Mai han ins mess nà en ina faussa glisch. Sco president da vischnanca da quel temp sun jau unfrenda e betg delinquent, di Parolini, cusseglier guvernativ vertent.

Christian Rathgeb giustifitgescha che la procura publica dal chantun haja du-mandà ina procura ordaifer il chantun da manar tras las investigaziuns tar il cas da cartel ed enturn il Whistleblower *Adam Quadroni*. Uschia possian ins examinar il cas a moda independenta. Era *Walter Schlegel* beneventa questa decisiu. Las examinaziuns internas da la polizia sajan entant serradas giu. Quellas mettian ils rapports da Quadroni en in'autra glisch. «Jau n'hai nagin motiv da betg crair a mes collauraturs», di Schlegel, il chef da la polizia chantunala.

Linard Bardill ha entant crititgà la qualidad da las retschertgas da las medias che veginan fatgas ozendi. L'artitgel da la «Republik» saja retschertgà fitg bain. Tschellas medias sajan be siglidas sin il char che la gasetta «Republik» haja mess en moviment. «Jau sun per il vegl. Jau sun per la verdad e per gistedad», di Bardill.

Rathgeb na vul betg ir en il cussegli naziunal

Andri Franziskus ha plinavant dumandà *Christian Rathgeb* sch'el veginia a candi-dar en in onn per il cussegli naziunal. I dettia vuschs che sajan da l'avis ch'i saja be cun el pussaivel da puspè gudagnar enavos il sez da *Magdalena Martullo*. Rathgeb n'ha dentant nagin interess. «Sch'jau vuless ir en il cussegli naziunal n'avess jau betg candidà per la regenza», di Rathgeb, cusseglier guvernativ ver-tent.



Ils candidats per la regenza: Peter Peyer, Marcus Caduff, Mario Cavigelli, Linard Bardill, Andri Franziscus (moderator), Christian Rathgeb, Jon Domenic Parolini e Walter Schlegel.

FOTO O. ITEM

Las mattas han surpiglià il timun en la seconda part

En la seconda part dal podi han lura las giuvnas dal parlament da mattas surpiglià il timun. Ellas han tschentà als candidats dumondas davart mobing e veginir prendì seriis sco giuvenil. Ina petiziun pervi dal mobing era veginida approvada durant il parlament da mattas.

Ils politichers èn d'accord ch'il tema è da pigliar seriis. *Mario Cavigelli* è da l'avis ch'il mobing tranter giuvenils saja pli crudaivel che quel tranter creschids, ma era tranter creschids datti quel. Bardill ha discurrì da la causa Kunz e quant impurtant ch'i saja da discurrer in cun l'auter sin il medem stgalim. Schlegel ha declerà quant seriis che la polizia piglia il tema cun programs ed infumaziuns ch'els porschan. Plinavant ha el sutta-stritgà quant dal mobing che capita ozendi in la rait. Parolini è da l'avis ch'er ils scolasts e las scolastas stoppian veginir sensibilisads pli ferm.

Las giuvnas na sa sentan er betg adina prendidas seriudas. Dal parlament da mattas è numnadomain be ina moziun veginida approvada. Quai na motiveschia dentant betg da canticuar cun la politica sche be uschè pauc vegin era realisà.

Rathgeb ha appellà a las giuvnas da tegnair la dira e star vidlonder. Da far enavant politica e cumbatter per quai ch'è impurtant per ins.

Peter Peyer ha era fatg curaschi a las mattas da propri ponderar tge ch'ins vul far ed era preschentiar las ideas a la vi-

schnanca, gist tar l'exempel da stanzas per giuvenils. *Marcus Caduff* chatta che las vischnancas sajan responsablas per metter a disposiziun als giuvenils stanzas e lieus. Dentant sostegna el era ferma-main ch'i vegin era purschì als giuvenils la pussaivladad da far per exemplu musica.

Digitalisaziun – il futur

En la discussiun davart la digitalisaziun n'esi betg be i per la dumonda sch'i do-vria raits spertas u betg, mabain era sch'i dovrà ina centralisaziun u betg. Parolini ha declerà ch'i na dovrà betg en l'entir chantun ina rait svelta. En las regiuns stoppian ins guardar nua ch'il basegn saja qua e là investir queste daners, ma per-quai ch'i saja uschè char na saja betg necessari da far quai dapertut. Caduff è d'in auter avis.

El na vesa betg en ch'ina persuna da Pigniu n'ha betg il medem dretg sco in da Cuira. «Nus na stuain betg ans focussar sin be ina chaussa. Ins po sa concentrar en differents lieus sin differents focus», ha ditg Cavigelli, l'actual parsura da la re-genza.

Bardill na vesa betg la schliaziun en cabels pli ferms. El crai che las circum-stanzas da basa stoppian veginir megliera-das, per exemplu per Start Up's, per che la glieud haja la schanza da bajegiar si qua in'existenza. Peyer sostegna el qua. I do-vria era dapli canortas en las regiuns per che famiglias hajan la pussaivladad da la-vurar ed era mantegnair la famiglia en la regiun.

Turissem – Co vinavant?

Parolini chatta ch'i saja necessari dad avrir dapli martgads per il Grischun. Uschia per exemplu era l'Asia dasper la Germania e l'Italia. Bardill di ch'i saja da reagir sin quai ch'il sport d'enviern per-dia l'attractivitat e veginia pli pitschen. Caduff è da l'avis ch'ins stoppia lavurar pli stretg ensemens. I saja anc adina in problem che nagin possia quir in a l'au-ter insatge.

Quai stoppia sa midar. Peyer è da l'avis ch'ils turistichers hajan da veginir qua cun ideas. Quai na saja betg incum-bensa da la regenza. Lezza stoppia sus-tegnair ideas cun potenzial, ma betg svilup-par ideas.

«Nus na pudain betg cumbatter in l'auter. Nus stuain lavurar pli fitg ense-men», dil Caduff da la pcd. Schlegel è da

l'avis ch'i haja da far bler cun l'aura e cun la munaida. Il sa cuntengnair dals turists saja sa midà. Il chantun stoppia pia mi-dar las cundiziuns da rama. Rathgeb ve-sa il medem sco Peyer. Las ideas stoppian veginir da la glieud, il chantun stoppia sus-tegnair. El ha era sustegnì l'avis da Caduff. «Nus na duvrain betg dapli cu-deschs alvs. Nus duvrain dapli creaders che fan», ha ditg Peyer, il candidat soci-almemocrat.

Partizipants al podi

Linard Bardill (independent)
Marcus Caduff (pcd)
Mario Cavigelli (pcd)
Jon Domenic Parolini (pbd)
Peter Peyer (ps)
Christian Rathgeb (pld)
Walter Schlegel (pps)

Duess il chantun finanziar ina gasetta quotidiana rumantscha?

■ (mc) Al podi en Chasa Somedia è er igl avegnir da La Quotidiana stà in tema. A la dumonda dal moderatur *Andri Franziscus* «Duess il chantun finanziar ina gasetta quotidiana rumantscha?» han ils candidats re-spundi suandontamain:

Linard Bardill (senza partida)
Viva la Rumantschia! (publicum ri).
Per mai mutta quai gea.

Marcus Caduff (pcd)

Geabain, il chantun sto pajar dapli. Quai è nossa identität. Jau sun den-tant era da l'avis che las chasas da medias rumantschas stoppian colla-vurar pli stretg.

Peter Peyer (ps)

«Tgi che sa rumantsch sa dapli!» En il mument na poss jau betg s'expri-mer definitivamain. La regenza è pronta da far in rapport davart la situaziun da las medias en il Gri-schun. Nus stuain rinforzar tut las medias en il Grischun.

Jon Domenic Parolini (pbd)

Il chantun finanziescha già oz par-zialmain la pressa rumantscha cun ina gronda contribuziun a l'Agentu-ra da novitads rumantscha (anr). Quai duess canticuar.

Christian Rathgeb (pld)

I dovrà ina gasetta quotidiana ru-mantscha ed er ina finanziasiun cu-minaivila. Il chantun duai contri-buir sia cumpart latiers sur la anr.

Mario Cavigelli (pcd)

Nus vivin en in chantun triling ed